

DISSERTATIO INAUGVRALIS MEDICA

DE VERIS  
HERBÆ THEE  
PROPRIETATIBVS ET VIRIBVS  
MEDICIS

QVAM,  
DEO T. O. DVCE ET AVSPICE,  
RECTORE VNIVERSITATIS MAGNIFICO,  
DN. TOBIA JAC. REINHARTH,

JCTO, FACVLT. JVRID. DECANO ET ASSESSORE, COD. P. P. ORDIN.  
ILLVSTRISSIMI S. R. I. COMITIS DE GLEICHEN ET HAZFELD CONSILIARIO,  
NEC NON EJVSDEM CANCELLARIÆ ET CONSISTORII BLANCKENHAIN.  
DIRECTORE, CIVITATIS ERFORD. STNDICO  
ET CONSVLE,

EX CONSENSV ET DECRETO INCLYTÆ FACVLTATIS  
MEDICÆ IN PER-ANTIQA HIERANA,  
P R Æ S I D E

DN. D. IVONE JOANNE STAHLIO,  
EMINENTISS. ET SERENISS. ELECT. MOG. CONSIL. ET ARCHIATR. ANATOM.  
CHIRVRG. ET BOTAN. PROFESS. PVBL. FACVLT. MED. ASSESS. ORD.  
N. N. CIVITAT. ERFORD. CONSVL.

PATRONO AC PROMOTORE SVO COLENDISSIMO,  
PRO GRADV DOCTORIS

VNA CVM PRIVILEGIIS ATQVE IMMVNITATIBVS  
ANNEXIS LEGITIME ADIPISCENDO,  
PVBLICÆ ERVDITORVM DISQVPOSITIONI SVBMITTET  
AVTOR ET RESPONDENS

ABRAHAM GOTTLIEB REICHEL,

*Bernstad. Luf. sup.*

IN AVDITORIO MAJORI COLLEGII MAJORIS, HORIS CONSVETIS.  
DIE XXX. DECEMBR. M DCC XXXIV.

ERFORDIÆ, Typis HERINGII, Acad. Typogr.



DISSERTATIO INAVGURALIS MEDICA

# DE VERIS HERBAE THEE PROPRIETATIBUS ET VIRIBUS MEDICIS

DR. TOBIA JAC. REINHART,  
RECTOR UNIVERSITATIS MAGNIFIC.

EX COMMISSO ET DECRETO FACULT. MEDICAE  
MEDICAE IN PER ANTIQV. HERMAN.  
P. R. S. I. D. E.

DR. JOHANNES STALLIO  
P. R. S. I. D. E.  
P. R. S. I. D. E.

ABRAHAM GOTTLIEB REICHEL,  
P. R. S. I. D. E.

IN APTORIO M. J. COLL. MAGN. BOIS CONSULT.  
DIE XXX. NOVEMBER. M. DC. XXXI.  
S. P. D. A. T. P. H. E. R. I. N. O. N. I. C. A. N. T. I. P. O. S. T.





DISSERTATIONIS INAVGVRLIS MEDICAE,  
DE VERIS  
HERBAE THEE  
PROPRIETATIBVS ET VIRIBVS MEDICIS,

PROÆMIVM.



**Q**Uod primi nostri Parentes unacum  
permultis ipsorum successoribus,  
ab ipso statim mundi exordio, per  
satis longam annorum seriem,  
solitario *Aquæ* potu sitim suam  
restringere assueti fuerint, admo-  
dum probabile, imò extra omnem  
ferè dubitationis aleam positum esse, vix quisquam  
negabit, quoniam hoc potulenti genus tunc temporis  
simplicissimum quidem, simul verò etiam pro conser-  
vatione firmitatis & roboris corporum convenientissi-  
mum erat. Et licet dein successu temporum luxurian-



tis appetitus voluptas statim diversa alia, non tam necessitatis, quam potius delectationis gratiâ, excogitaverit potulenta sapidiora & suaviora, hæc tamen postmodum etiam inter summas populorum voluptates semper affusâ aliquâ simplicis *Aquæ* parte temperari & alterari solebant. Tali ratione inter Romanos præcipuè usus *calidæ & frigidæ Aquæ* sub epulis ipsorum innotuit, quippe quam pro contemperatione generosioris & attenuatione spissioris & quasi mellaginei vini adhibebant. Referente enim JOH. NARDIO *Noct. genial. 4. p. 286.* non solum vina sua ad centum, imò ducentorum & plurium annorum ætatem pertingere sinebant, sed & non rarò, Arcadum more, illa ipsa, inprimis verò Malvatica, Hispanica & similia jam jam spissescientia, in culeis & utriculis, sub moderato ignis calore, successivè evaporando adedò inspissabant, *ut tandem rasilia fierent*, quæ dein sub titulo *Carpion* ipsis veniebant. Quoniam igitur hæc Romanorum luxuries ipsos sæpius ad instituenda sumtuosiora convivia atque symposia excitabat, pro his autem debitè adornandis simul undique rarissima & vetustissima vina conquirebantur, necessitas utique postulabat, ut spissescientia ista potulenta mediante calidâ aquâ diluerentur & ad potum aptiora redderentur. Hunc ergo in finem publica erecta erant *Thermopolia*, quibus peculiare præsticiebantur servi, quorum officium erat, continuò, imò sub certâ quadam poenâ, ita dictam *Caldam*, seu aquam calidam, in promptu habere, & insimul varia potulenta dulcia, v. g. *Murrhina*, *Passum*, *defrutum*, *mellina*, &c. pro more illorum temporum calefacta, desiderantibus



bus vendere. Et hoc ipso ultimo respectu ista Romanorum consuetudo cum eâ, quæ hodiedum inter nos adhuc viget, ferè coincidit, dum nempe ad minimum in plurimis celebrioribus Europæ civitatibus hinc inde certas deprehendimus Tabernas, parandis & vendendis usitatoribus illis calidis *Thee*, *Caffee* & *Chocolatæ* potulentis destinatas, quas propterea eodem jure *Thermopoliorum* titulo insignire possemus, cum ratione usûs & scopi ab illis Romanorum nihil ferè differant, siquidem hæ ipsæ potulentorum species paucis abhinc lustris usque adeò delicatiorum gulas demulserunt, ut libentius ordinario & hastenus assueto domestico potu, quàm exoticis illis, carere velint. Quanquam enim cujuslibet terræ incolis ea sufficere possint, quæ exinde nascuntur remedia, satisque sufficiens & præstans herbis nostris indigenis, etiam vilioribus, insita deprehendatur virtus; tamen ut in cibis, vestimentis & condimentis, ita quoque in remediis, optima creduntur ea, quæ aliundè accersenda & foris quæsitæ sunt, neglectis atque contemptis quæ domi proveniunt.

Cum ergo ob hanc aliasvè causas potulenta ista noviter introducta, speciatim verò *HERBÆ THEE Decoctum*, vel *Infusum*, à primo statim tempore, quo hoc ipsum nostris regionibus notum esse cœpit, varia, eaque diversissima sustinuerit fata, utpote à quibusdam non secus exceptum, ac de cœlo missus omnium morborum averruncator, ac divina quasi Panacea, ab aliis vero penitus damnatum & pro summè noxio declaratum: Hinc placuit in præsentî Dissertatione inaugurali curatius quoddam examen hujus herbæ suscipere, in-



que veras ejus proprietates & vires medicas in Decocto vel Infuso diligentius inquirere, hasque dein Lectori benevolo concinnè exponere. Faxit ergo Divinum Numen, nostrisque ita faveat meditationibus, ut non nisi illud, quod verum, bonum ac salutare sit, indagando consequamur.

## SECTIO PRIOR,

sistens

*Herbæ Thee botanicam descriptionem, diversas species, culturam, collectionem, præparationem & usurpandi modum.*

### §. I.

**C**irca denominationes nobilis hujus Plantæ Asiaticæ haud opus erit, ut in limine hujus tractationis fusiùs moremur, cum paucæ admodum exstant, & ratione originis plurimùm incognitæ sint: Chinensibus enim *Thè* audit, Japonensibus autem *Tchia* seu *Tsia*, item *Cha* & *Tcha*; atque ob hæc prorsus distincta vocabula multi in illo versantur errore, quasi diversæ speciei plantæ essent *Thè* & *Tsia*, cum tamen eadem re verâ exsistat, ipsumque exinde paratum Decoctum vel Infusum apud utramque gentem idem sit, hoc saltem excepto, quod Japonensium *Tsia*, ob majorem foliorum contritionem & coctionem, communiter *nigrum Thè* appelletur, simulque gravioris sit saporis, majoris efficaciæ & altioris quoque pretii. Latini nostri denominationem suam vel à Chinensibus mutuuntur, dum hæc planta ut plurimùm ab ipsis *Thèa* salutatur, inde & vocabulum *Thee* ortum est, vel etiam peculiari titulo *Herbæ Japoniæ* eandem insigniunt, vid. CASP. BAVHINVS p. 147. & JOH. BAVHINVS *Histor. Herb. Lib. XXVII. Cap. I.*

### §. II.



§. II.

Quod autem nunc speciem & formam externam plantæ nostræ attinet, est illa propriè *Frutex*, ad *Rosæ Europææ* aut *Ribesiorum* altitudinem exsurgens, caules & ramunculos à pede usque ad verticem perpetuis & copiosissimis floribus foliisque tenuibus ornate vestitos exhibens, quæ ipsa folia longitudine maximâ duplicem unciam, latitudine vero pollicem circiter exaquant, figuramque obtusè acuminatam, sæpe etiam ovalem, cum ambitu densè & inæqualiter crenato, instar foliorum *Cerasi*, & nervo medio per anticam faciem ingenti lacunâ depresso, in dorso verò insigniter prominente, & utrinque sex vel septem tenuiores, ante ambitum in se invicem iterum recurvatos, dispergente, demonstrant. Et hæc ipsa forma foliis omnibus in genere communis, magnitudo autem ipsorum usque adeo diversa est, ut quinque plerumque differentię foliorum uni eidemque frutici adnatorum appareant, ex quibus prima & maxima, in inferioribus ramusculis occurrentia, *Balsami hortensis* foliis simillima existunt. His succedunt dein ea, quæ secundæ magnitudinis & prioribus multò minora sunt, ut sic gradatim ascendentiâ quinquies manifestè differant, ubi insuper hoc perquam notabile est, quòd quantum hæc folia sursum magnitudine decrescunt, tantum è contra pretio accrescant, adeo, ut, dum libra una maximorum, seu primæ magnitudinis foliorum, siccatorum & ritè preparatorum, quinque assibus venditur, idem pondus minimorum, seu quintæ magnitudinis, quinquaginta, imò subinde centum & quinquaginta florenos valeat.

§. III.

*Flores*, quos frutex hic copiosè profert, sunt perfecti, simplices, albicantes, magnitudine, figurâ & colore *Rosæ sylvestri Europææ*, excepto odore, ferè simillimi, regulares, hexapetali, per menses autumnales in seram usque hyemen continuâ successione provenientes, saporemque ingratum & aliquantulum amaricantem exhibentes. Decidentibus postmodum horum petalis, remanet fructus, in principio viridis, resiccatus autem rugoso magis & ex spadiceo fusco pericarpio præditus, modò monococcus, plerum-



rumque verò tricoccus, à fructu Ricino simili JOH. BAVH. non multum abludens. Ex his ultimus, si tandem ad maturitatem suam pervenit, atque sponte se aperit, in tres, alter verò geminatus in duas dehiscit partes, quarum quælibet continet *semen*, quod ex subrotundâ, aut in unâ parte sessili, non nunquam etiam triquetrà constat nukulâ, tenui & lævi putamine, spadicei seu subrussi coloris, exceptâ basi albidâ, investitâ, in quâ tandem nucleus valdè oleosus, sub-albidus, pallidus & admodum rugosus, gustu primùm dulci, mox autem amaro & nauseabundo, tandemque sub-acri & exsiccante præditus, atque cuticulâ tenuiore & cinerea obductus, continetur.

§. IV.

Ex hoc semine frutex noster ordinariè plantatur & generatur sequenti modo: Circa Februarium mensem, quando nimio non amplius indurata est frigore, aut nive altius tecta terra, solent Japones in terrâ bonâ, dulci, nec falsâ, nec limosâ, nec nimis etiam arenosâ, circa sulcos præcipuè, & ad margines atque limites agrorum, scrobem rotundum ad sex vel octo pollicum altitudinem effodere, & ipsi dein 10. vel 20. seminales folliculos injicere, quoniam non omnes fœcundum in se continent semen, exinde scrobem iterum operientes & simul, inhorrescente forsitan brumâ, storeis stramineis regentes: Sic ergo elapsis paucis hebdomadibus, seminalia ista capitula communiter in quatuor, sex vel octo, quandoque etiam plures frutices propullulant, quos dein absque ulteriori culturâ naturæ ingenioque suo relinquunt agricolæ, nisi quod eos ab inutilibus herbis repurgent & circumposito fimo equino fœcunditatem, incrementum & vegetationem ipsorum promoveant, hoc ipsum singulis postmodum annis repetendo. Stirpes autem, quò in spissius glomeramen & altiorem apicem exsurgunt, eo meliores judicantur, quoniam molliora & teneriora statim ab initio in majori copia exhibent folia; quodsi verò ad octo vel decem annorum ætatem pervenerint frutices isti, quo tempore communiter quinque vel sex pedum altitudinem adepti sunt, simulque  
pauca



pauca admodum & duriora folia proferunt, abscinduntur tandem, sicque copiosi novi surculi ex radicibus iterum progerminant, numerosiora dein & prioribus teneriora folia ordinariè protrudentes.

§. V.

Decerpuntur autem Folia Thee primâ vice elapso demum triennio, quippe quo tempore admodum copiosa & fragrantia sunt. Prima collectio tunc instituitur ante æquinoctium vernale, per peculiare huic labori destinatos homines, & tunc paucissima atque ut plurimum nondum penitus expansa & explicata, adeoque satis parva & tenera, obtinentur folia, quæ tamen omnium optima & fragrantissima sunt, atque propterea non nisi à magnatibus & ditioribus conquiruntur, nec non pro aulâ Casareâ asservantur, unde etiam postmodum inter Japones titulum *Thee Casarea*, *Kaysers Thee*, apud Sinenses autem *Thee Buu*, obtinent. Adeoque exinde statim liquet, quod hæc ipsa Thee species, licet per excellentiam quoque *Flor Thee* appelletur, minimè ex floribus nostri fruticis constet, ut vulgò quidem asseritur, quoniam horum petala albicantia, ob saporem ingratum amaricantem, (§. III.) nemo unquam colligit, aut foliorum loco usurpat; nec non quod eadem hæc species à Sinensibus *Thee Buu* dicta, prorsus distincta sit ab illâ, quæ *Thee Boye* vocatur, utpote quæ vilioris pretii, nec usque adeò grati saporis est, quam prior illa, insimulquæ ferventi aquæ sub-rubrum communicat colorem, qui è contra à Chinenfium *Thee Buu* viridis evadit.

§. VI.

Secunda horum foliorum collectio instituitur Mense Japonum tertio, qui ordinariè juxta nostrum Aprilem est, & interdum usque ad medium Maji nostri extenditur, si nempe annus fuerit intercalaris: Tunc temporis matres cum suis infantibus & ancillis folia ista, tam novella & nondum plenariè expansa, subflavescente suo virore & parvitate à reliquis post præparationem peractam facile distinguenda, quam etiam adultiora & paulò majora, siccâ tempestate & quâcun-



que diei horâ, imprimis autem intensiore Solis æstu, decerpunt, & circa vesperam domum portant, ubi dein priora nondum explicata eligunt & prædictis primæ collectionis, quippe quibus ratione bonitatis æquiparantur, addunt. Tandem circa finem Maji mensis tertia sequitur collectio, ubi folia omnia, quotquot adhuc in frutice supersunt, decerpuntur: Et hæc ipsa, ratione quantitatis & copię horum foliorum, utramque priorem quidem exsuperat, respectu qualitatis & bonitatis verò minoris momenti est, quoniam eadem jam plenariè explicata & rigidiora, minusque fragrantia sunt, eaque propter quoad plurimam sui partem plebi saltem & pauperculis in usum cedunt, aut à mercatoribus, turpi lucro inhiantibus, cum foliorum secundæ collectionis modicâ quantitate remiscuntur, ut dein eodem, quo illa veniunt, pretio, incautis divendi queant, quam fraudem pluribus exposuit HANNEMANNVS in *A. N. C. Dec. II. Ann. V. Schol. ad Observ.* 131. p. 263.

#### §. IV.

Secundum hanc igitur collectionis diversitatem variæ dein, prout etiam in genere jam jam indicavimus, foliorum Thee exsurgunt *species*, uti bonitate & fragrantia, sic quoque nominibus & imprimis pretio admodum inter se distinctæ: Quæ enim circa æquinodium vernale collecta sunt, non solum, ut supra (§. V.) jam indicavimus, sub titulo *Theæ Casarea*, aut *Theæ Buu* veniunt, sed &, à Japonibus præcipue, *Theæ molenda*, vel *Theæ farinacea*, Meel-Thee, procul dubio ob foliorum subtilitatem & teneritudinem, vocantur, horumque unum Kin, seu Catti, quod ratione ponderis libram belgicam cum quadrante æquat, in loco pro 42. sc. imò 56. imperialibus venditur, confirmante id ipsum KÆMPFFERO in *Amœnitat. exot.* ubi refert, quod sola hæc vera atque optima fit species, quæ & sub patrio coelo benè cara esse soleat. Secundæ collectionis folia alteram constituunt speciem, quæ *κατ' εὐχραν* *Thea Sinensium* appellatur, quoniam more Sinensium preparari solet; hujus vero dein quatuor peculiare iterum formant classes, itidem qualitate & pretio differentes, sub qua-



quarum tertiâ inprimis ordinarium illud Thee comprehenditur, quod in maximâ copiâ in Europam deferri, cujusque libra una pro 5. 6. vel 7. florenis in Belgio divendi solet. Quæ tandem ex ultimâ collectione obtinentur folia, tertiam sistant speciem, quæ omnium vilissima & propterea etiam non nisi vulgo & rusticis usitatissima est, prout inferius videbimus.

§. VIII.

Proinde etiam quidam folia Thee Japonensis à Chinesibus admodum sollicitè distinguunt, illaque ab his in eo potissimum differre asserunt, quod ratione figuræ minora, ratione saporis & odoris fragrantiora ac suaviora, & ratione coloris egregiè viridescantia sint, quæ ipsæ qualitates pretium eorundem usque adeo exaltare debent, ut, referente PETRO POMET, p. 177. qualibet libra 75. imò 100. florenis vendatur, sicque pretium Chinesis Thee ultra dimidium exsuperet. Porro nota quoque est differentia horum foliorum ratione coloris, tam externi, quam sub infusione cum aquâ fervidâ prodeuntis, qui vel viridescens, ( unde etiam hæc species vulgò grüner Thee vocatur, ) vel externè nigricans & in Decocto rufescens est, quam communiter Thee Boje appellant; licet incertum adhuc adhuc sit, utrum ultima hæc species talem colorem à diuturniori, nimia & inæquali tostione atque exsiccatione, an à concepto ante præparationem intestino calore, ad quem perquam facile inclinant, an à seriori eorundem collectione, an denique ab adulteratione mediantibus certis Decoctis factâ, \*) propriè obtineat. Reliquæ tandem denominationes, mercatoribus potissimum usuales, v. g. Thee Heyfan, Thee Bing, Thee Poual, &c. non tam peculiare & distinctas horum foliorum species, quam potius provincias & regiones, in quibus colliguntur & unde ad nos deferuntur, indicare ac denotare videntur.

\*) Hujus sententiæ inprimis est SIEGESBECKIUS, qui in *Annal. Phys. Med. VVratisl.* Ann. 1722. M. Januar. Class. IV. Art. 6. hanc speciem planè supposititiam, aut ad minimum adulteratam & artefactam esse, judicat.



## §. IX.

Quod verò nunc præparationem horum foliorum attinet, ea in omnibus ipsorum speciebus una eademque est, atque in sequentibus potissimum consistit: Quam primum illa collecta sunt, statim eodem adhuc die deferuntur in officinas publicas, pro eorundem exsiccatione & tostione in singulis civitatibus adaptatas & erectas, in quarum quâlibet 20. & plures conspiciuntur fornaces, altitudine trium circiter pedum, quibus super imposita est lamina ferrea, omnesque commissuræ undique arctissime oclusæ, ne quicquam de fumo ad folia ista, quæ exinde statim depravantur, pertingere queat. Sic etiam minimè in cumulos ibidem coacervari, multò minus in alterum usque diem asservari debent, quoniam aliàs statim intestinum concipiunt calorem & dein sub tostione nigrescunt. Hæc autem tali modo ordinariè peragitur: Singula folia laminæ isti ferreæ nitidæ & calefactæ injiciuntur, manibusque assiduè versantur, usque dum flaccescant, ubi dein mundis storeis aut crassiori papyro imponuntur ac flabello perflantur, ut refrigescant, postmodum in planis ex arundine Indicâ confectis corbibus modeste agitantur manibusque volvuntur, donec crispentur, & tunc iterum laminæ ferreæ injecta, eodem, ut antea diximus, modo, continuè versantur, donec modicè induruerint; hinc flabello iterum refrigerata, tertiâ, quartâ imò quintâ interdum vicibus super laminas ferreas, per gradus minus calefactas, revolvuntur, ut majorem siccitatem duritiemque contrahant. Tandem in pavementum storeâ contactum deponuntur, ut novus foliorum fiat delectus, minora nempe & teneriora à crassioribus, incondite crispatis & nimis adustis sollicitè separando, eademque denuò, sicuti sub collectione factum erat, in classes suas distinguendo, quo labore peracto, si per aliquot hebdomades aut menses jam jam asservata fuerint, ultimâ vice supradictæ cuidam laminæ ferreæ calefactæ denuò injiciuntur & securitatis ergo adhuc semel siccantur, denique ollis intrinsecè vitreatis includuntur, in annos tunc durabilia, si accuratè obturata teneantur.

## §. X.



§. X.

Singuli autem hi modo enumerati labores ob certas & singulares instituuntur causas, ita ut omnes indiscretim necessarii sint, & ad perfectam horum foliorum præparationem absolutè requirantur: Tostio enim in genere, unacum rotationis & crispationis actu, non solum eum in finem requiritur, ut exsiccantur folia & in parvam molem redigantur, pro commodiori asservatione ac transmissione; sed &, ut corrigantur & à malignâ suâ & cerebro aut nervis inimicâ narcoticâ & inebriativâ qualitate, \*) quam recenter collecta, juxta KÄMPFFERI relationem, l. c. exhibent, ejusque intuitu nervis facillè tremorem inducunt, liberentur. Sub primâ enim tostione statim transudat ex illis succus quidam ex flavo viridescens, qui ablutione eorundem cum aquâ calidâ removendus est, si virtutem suam naturalem cum colore suavi viridi obtinere debent. Peractâ autem quâlibet tostione, refrigerari statim debent contorta folia, quoniam sic gyros arctius retinent, quippe qui non eveniunt, nisi sub fervore, nec perdurant, nisi sub manibus refrigescant folia. Lentè denique & repetitis vicibus, semper gradum ignis minuendo, exsiccanda sunt hæc folia, ut sensim arefciendo virorem vividum & æqualem conservent, quippe qui citiore, nimîâ & inæquali tostione plerumque faceffit, ut folia potius adurantur & nigrescant. Rustici autem cautelas has ferè omnes negligunt, suaque folia in lebetè saltem fictili, paucis vicibus manique rudi torrent, & hinc decoctum ipsorum plerumque & colorem & saporem minus gratum exhibet.

\*) Ob hanc ipsam singularem horum foliorum qualitatem plures Botanici etiam eo fortè inducti sunt, ut, antequam vera hujus fruticis forma ac foliorum figura innotesceret, eundem pro *Chamaeleagno Dodonsi*, seu *Myrto Brabanticâ* declarârint, quippe quæ cerevisiæ inter coquendum addita, similem inebriativam & quasi narcoticam virtutem ipsi conciliat. Vid. NEBELII note ad *Ammanni Charact. Plant. p. 388*. Alii è contrâ Botanographorum plantam hanc *Consolidam*, idem *Bellidem*, *Palinurum*, *Betonicam*, &c. esse, aliis quidem ex causis, sed similiter perperam assuerunt.



§. XI.

Quod denique *modum*, folia hæc pro usu interno *præparandi & adhibendi*, attinet, alius Chinenſibus, alius Japonenſibus uſitatus eſt, nec non, alium magnates, alium plebeji & ruſtici obſervant. Chinenſes contenti ſunt ſolâ infuſione & extrac-tione beneficio aquæ fervidæ inſtitutâ, quam metho-dum noſtrates plurimi cum adjectione ſacchari cujuſcunque, ſecuti ſunt, atque in hunc uſque diem adhuc obſervant. Alii ſaturatiùs deſiderantes inſuſum, coctione ſuper carbones illud con- & efficiunt. Illi enim aquam in cupreo cacabo ferveſc-ctam, ſiccis integriſque foliis Thee, ſingulari ollæ porcellanæ injectis, ſuperfundunt, tincturamque ſic extrahunt, quam limpida aquâ ad gratam amaritudinem temperatam, calidè poſtmodum ſorbent, ſaccharumque ut plurimum ſimul maſti-cant, aut in ore deliqueſcere ſinunt. Dein novâ affuſâ aquâ tincturam iterum extrahunt ſecundâ vice, quæ debilior eſt primâ, & tandem folia abjiciunt, quæ nauticis ſociiſque na-valibus, meliorum defectu, acetariorum vices ſupplent.

§. XII.

E contra per totam ferè Japoniam alia prorsus & qui-dem operoſior præparandi ratio, uſitata eſt: Horum enim magnates & divites nullum in re domeſticâ opus majore di-ligentiâ, ſaſtu, nitore & artificio curant, quam ſui Tchia præ-parationem; quandoquidem, qui in cæteris pauciſſimæ ſunt ſupelleſtilis, in hoc tamen copioſo & ſuperbo inſtrumento-rum famulorumque apparatu impenſè, imò ad ſuperſtitio-nem uſque, geſtiunt. Conſiſtunt autem hæc inſtrumenta partim in molâ, ex electo Ophite paratâ, huic prorsus ſimi-li, quâ Semen Sinapios conterere ſolemus, quamque illi ordi-nariè pro trituran-dis & in tenuem pollinem redigendis hiſce foliis adhibent; partim in fornaculâ, ex mixto cum aliis me-tallis ære artificioſè fuſâ, cui ollam, ſeu cucumam, ex eâ-dem materia conſectam & aquâ repletam, ſuper imponunt, ut ſemper præſto ſit fervida talis aqua. Proinde etiam pe-culiares tripodes, infundibula, calices, cochlearia, aliaque per-polita hunc in ſcopum fabrefacta inſtrumenta præſto ſunt, quæ,



quæ, aliquot aureorum millibus coëmpta, ac sericeis integumentis involuta, intimioribus solummodo amicis ostenduntur, simulque eodem ferè in pretio habentur, ac apud nos adaman-tes, gemmæ & baccata summi pretii monilia, prout hoc referunt MAFFÆVS *Rer. Indicar. Lib. VI. & XII.* Ludov. ALMEYDA *select. Epistol. Lib. IV. Aloys.* FROIS *in Relat. Japon. &* JOAN LINSCHOTTVS *Cap. 26.*

§. XIII.

Quando igitur potulentum hocce pro more suo præparare & usurpare volunt, tunc exiguis cochlearibus, ex testudineo cornu, aliove pretioso ligno, vel etiam metallo, fabricatis, triturationem illum viridem & admodum fragrantem pulverem horum foliorum calicibus suis injiciunt, ac superfusâ cum mundato haustro & infundibulo aquâ fervidâ, pulverem hunc minutulis ex arundine Indicâ crenarum formâ artificiosè concisis fetis, aut peculiaribus rutabulis minimis, tamdiu conquassant, donec in spumam elevetur, & tunc *Theam* hanc *spissam*, respectu tenuioris per simplicem infusionem & extractionem paratâ ita dictam, pitissando cum summâ delectatione hauriunt, atque tam convivis invitatis, quam aliis honoris causâ ipsos salutatum venientibus, officiosissimè tantâque animorum inclinatione propinant, ut Principes etiam viri, licet peculiare suos unicè hunc in finem habeant famulos, sæpissimè non detrectent, quin potius honori ducant, propriis suis manibus hoc potulentum vel amicis decoquere, vel alioquin ipsi miscendo temperandoque operam suam impendere. Plebeji autem & rustici tantum operæ haud adhibent, sed solummodo folia ista, supra descripto (§. X.) modo præparata, promiscuè in æneo cacabo, aquâ repleto, qui toto die pro communi potu in foco suspensus tenetur, lento igne decoquunt, donec iteratis tincturis folia illa debilitata rejiciantur, horumque in locum manipuli aliquot recentium iterum ingerantur.



## SECTIO POSTERIOR,

exhibens

### *Principia constitutiva foliorum Thee, eorundemque proprietates & vi- res medicas.*

§. I.

**N**E forsitan in eruendis & explanandis genuinis plantæ nostræ, hodiernis temporibus usque adeo decantatæ, virtutibus & proprietatibus medicis, à simplici veritate deflectamus, illorumque vestigia prementes, qui eandem pro universali ad vitam prorogandam morbosque omnes debellandos venditant ac toti ferè orbi obtrudunt medicamento, plura ex falso hoc præjudicio ipsi tribuamus, quàm quidem unquam abinde expectari & præstari possunt; ante omnia, priusquam hunc primarium nobis propositum laborem aggredimur, in prima horum foliorum principia inquirere, illaque examini chymico-pharmaceutico subicere placet, ut ex hac demum analysi certò concludere queamus, quales potissimum effectus ex usitato horum foliorum infuso sperare & ægrotis afflictis promittere liceat.

§. II.

Primò igitur, præviâ infusione cum aquâ fervidâ hujusque institutâ dein lentâ evaporatione, exhibent hæc folia quæcunque, prouti hic venduntur, Extractum austeri saporis & evidenter adstringentis qualitatibus, quippe quod non solum, si cum aqua simplici iterum dilutum fuerit, post affusionem solutionis Vitrioli eximie effervescent, & nigrum, atramento prorsus similem, colorem acquirit, cum subsequente aliquali incalescentiâ vitri; sed & lacti recenti itidem præviâ solutione commixtum, particulas ejus oleosas & terreas præcipitat. Quapropter etiam Celeb. MANDELSLOH in *Itinerar. Indico* Cap. IX. p. 42. hoc ipsum Extractum alvum constipare ejusque nimium fluxum cohibere, jam jam annotavit.

§. III.



## §. III.

Dein etiam mediante destillatione ex Retortâ Illustr.  
 HOFFMANNVS spiritum sub-acidulum, adstringentem, em-  
 pyrevmaticum ex foliis hisce obtinuit, prout in *Dissert. de In-*  
*fusi Veronica efficaciam præferendâ Herba Thee*, §. VIII. refert. Si  
 porro decenti combustione tractantur, tunc cineres ipsorum  
 sal fixum aciduli saporis in mediocri largiuntur quantitate:  
 Ipse etiam fumus illorum, si per fistulam hauriatur, eviden-  
 tissimam adstrictoriam austeritatem ostendit, quæ gulam con-  
 stringit & fauces aridas reddit. Tandem latitans in his foliis  
 acidum etiam sese prodit, dum Infusum ipsorum saturatius  
 Syrupum Violarum cœruleum pulcherrimè rubicundo tingit  
 colore, quod omnibus acidis solenne est ac proprium.

## §. IV.

Præter hæc verò salina fixiora etiam alia non minùs  
 efficacia subtiliora principia hisce foliis, præsertim Thee viridis,  
 inesse, testatur non solum odor exsiccatorum admodum sua-  
 vis & fragrans, sed & destillatio cum aquâ pluviali ex alem-  
 bico instituta, sub quâ hæc ipsa aqua odore & sapore blandiori  
 imbuitur. Pertinet quoque huc infusio & extractio eorun-  
 dem cum Spiritu vini, quæ Tincturam elegantioris coloris,  
 quam quæ mediante fervidâ aquâ prolicitur, odoris satis fra-  
 grantis & saporis adstringentis atque gratè amaricantis, præ-  
 bet, prout ANTON. DE HEIDE *Cent. Observ. Medic. Observ. 76.*  
 refert. Hinc Celeberr. HÄNNEMANNVS in *Schol. ad Observ.*  
*131. Dec. II. Ann. V. Act. Nat. Cur. p. 264* autumat, quod ambi-  
 guum utique sit, utrum aqua calida verum & genuinum men-  
 struum existat, quo vires ex Theâ possint extrahi, quoniam  
 aqua penitus ejus contextum non solveret, nec intimam ejus  
 essentiam medullitus penetraret, cum Spiritus vini alcoholi-  
 fatus aliam virtutem ex eâ extrahat, unde tandem conclu-  
 dit, quod hætenus de genuinâ indole horum foliorum mi-  
 nimè ritè judicare potuerint Medici, quoniam extractio eo-  
 rundem cum menstruo inadæquato instituta fuerit; ast, cum  
 nec ipse hic alcoholifatus Vini omnem ex hisce foliis possit  
 extrahere virtutem, pariter dubium manet, an hic magis  
 adæquatum, præ aquâ communi, præbeat menstruum.



§. V.

Ex his ergò modò allegatis experimentis facilè nunc concludere licet, quòd principia constitutiva foliorum Thee sint *Salacidum cum copiosa terrâ intermixtum, & blandis Aëis volatilibus contemperatum*. Primi enim hujus principii, nempe *Salis acidî* præsentiam, demonstrant experimenta & producta §. III. recensita, nec non præcipitatio lactis, quæ cum Extracto horum foliorum, mediante aquâ diluto, facilè succedit. *Principium terrestre* arguit, præter lenem adstrictionem & amaritiam, insimul color nigricans, qui ex soluto Extracto horum foliorum cum solutione Vitrioli emergit, ( §. II. ) siquidem per experientiam physico-chymicam constat, quòd omnium illorum corporum, quæ ex particulis terrestribus facilè solubilibus constant, v. g. Gallarum, ☿ Catechu, Rad. Tormentillæ, Ligni Aloes, &c. extractions, additâ solutione Vitrioli, itidem atramentosum talem induant colorem. *Subtiliora tandem Aëa & salina volatilia* testantur effluvia, odor suaviss & fragrans, ipsaque Tinctura per ☿ vini alcoholisatum extracta.

§. VI.

Hæc ipsa autem modò recensita & demonstrata Plantæ nostræ principia sufficienter nunc exhibent atque docent, quod ea in genere *virtutem tonicam & subadstringentem, blandè diureticam, aperientem, modestè resolventem, nervinam & roborantem* possideat, & in variis affectibus cum eximio ægrotantium emolumento exserere queat, inprimis si in consuetâ Infusi formâ adhibetur. Licet enim sententiæ illorum Medicorum non absolutè subscribamus, qui indiscretim effectus illos omnes post hujus aliorumve Infusorum calidorum usum observatos, potius ab aquâ calidâ, quàm ab ingredientibus deducere malunt; hoc tamen minimè negamus, quòd multum quoque conferat hoc menstruum, non solum extrahendo & certo respectu exaltando vires horum foliorum, sed & secundum propriam suam qualitatem & efficaciam agendo, quoniam præcipuè sola hæc folia, tam in pulverem redacta, quam Extractum vel Essentia exinde parata, nunquam hoc præstabunt, quod ab Infuso expectare licet, sufficienti testi-

mo-



monio, quòd unum alterius requirat opem, & ambo amicè conspirare debeant, si salutare nobis promittere velimus effectum.

§. VII.

Ut igitur probè antea cognoscamus, qualesnam *Aqua* potissimum, respectu Infusi horum foliorum, tribuendæ sint virtutes, respiciendum utique erit tam ad proprietates & essentiam, quam ad qualitatem ejus. Ratione *essentia*, dum aqua est liquor insipidus, aëreis pariter ac æthereis elasticis particulis refertus, præbet non solum menstruum aptissimum & purissimum pro recipiendis intra sua interstitia principiis horum foliorum, inprimis si levior eadem fuerit; sed & insuper humectando, emolliendo, lubricando, stricturas relaxando, viscositates diluendo & abstergerendo, Sicut heterogenea imbibendo & recipiendo, humores temperando & attenuando, se- & excretionem promovendo, multum utique emolumenti ad conservandam pariter ac restituendam sanitatem affert. Hi ipsi autem in se jam admodum salutares effectus exaltantur magisque augentur per *qualitatem caloris*, quippe quo inprimis emolitionis actus quam maximè promovetur, humorum progressus & circulatio adjuvatur, omnesque impuritates heterogeneæ promptissimè diluuntur, corriguntur & per congrua evacuatoria, glandulas nimirum subcutaneas, ceu per cribrum, eliminantur, ut vel exinde insignis efficacia non solum simplicis aquæ calidæ, sed & medicamentosæ hujus plantæ virtutibus imprægnatæ, cuilibet rerum physicarum & medicarum parumper gnaro, facillè innotescere queat.

§. VIII.

Quod verò nunc speciales foliorum Thee in hac formâ attinet virtutes & proprietates, ante omnia Infusum illud, si non in omnibus, ad minimum tamen in plurimis morbis optimum & commodissimum præbet *Vehiculum* pro assumendis medicamentis, tam iis subjectis, quæ ordinario ejus usu delectantur, quam quæ, licet aliàs ipsi non dum assueta fuerint, communi saltè laude aliorumque exemplo invitantur & alliciuntur: Sicut enim quoad suavem & temperatam dulce-



dinem nulli ferè nauseosum existit, ita ratione simplicitatis suæ medicamentorum qualitates & effectus vix unquam alterat, nedum debilitat & infringit, quin potius adhuc magis promovet & exaltat, idque præcipuè respectu intrinsecæ suæ virtutis & conjuncti insimul mediocris caloris, qui ob antea enumeratas jam jam utilitates, huic utique præ omnibus frigidiusculis aliisque Vehiculis faciliè prærogativam conciliat.

### §. IX.

Dein etiam hoc Infusum non solum attenuando & colliquando viscidos atque tenaces humores, sed & vias laxiores ac tono suo naturali quodammodo destitutas roborando, eximium præstat usum pro referendis *obstructionibus* & humorum circulatione promovendâ, siquidem subtiliores particulae  $\Phi$ ææ &  $\Theta$ inæ volatiles horum foliorum, accedente insimul calore, sanguinis massam blandè exagitant, eoque ipso occasionem suppeditant, ut Spiritus animales hâc ratione excuscitati, functiones suas eò melius absolvant & cum majori activitate perficiant: Hinc est, quòd ex potu hujus Infusi *somnus* profligetur & *vigilia* procurentur, ob activiorem nempe & concitatiorem dictorum Spirituum motum, ac liberiores eorundem in partes nervosas influxum, unde dein homines plerumque alacriores ad studia & res suas, etiam nocturno tempore peragendas, redduntur. Eodem modo quoque *Ebrietatem*, & quæ eandem ordinariè comitantur symptomata, mitigat & tollit, quatenus nimirum particulas organicas  $\Phi$ eo-vaporosas, à copiosius assumptis potulentis inebriantibus ad M. S. delatas, diluit, contemperat & per modestam diaphoresin atque diuresin tempestivè eliminat, sicque tranquillum & liberum spirituum atque humorum motum, antea nimium quantum turbatum, restituit.

### §. X.

Præterea quoque horum foliorum *Infusum* vel *Decoctum*, si debitè hauriatur, *digestionem* non parum adjuvat, *ciborumque resolutionem* promovet, dum nimirum saburram tenacem ac viscidam, circa glandulas faucium, Oesophagi & Ventriculi hærentem easque obliquantem, diluit & abstergit, ut dein hæc  
ipsa

ipsa organa colatoria secernendo & effundendo liquori salivali & gastrico, ad concoctionem ciborum imprimis necessario, aptiora reddantur; partim etiam modò dicti liquores, si spissitudine præternaturali forsitan laborant, tenuiores & dilutiores evadant, quò dein macerandis & resolvendis cibis aptiores fiant, quæ ipsa etiam causa est, cur Chineses atque Japonenses, dum cibos capiunt, semper aquam calidam ipsis super ingerere soleant, probè nimirum gnari, quòd potus omnis calidus ventriculo magis conducatur, quàm frigidus. Conf. ETTMÜLLERVS in *Praxi sua, Cap. de Chylosteos læsionibus*. Eandem etiam ob causam hoc ipsum artificiale potulentum medicum in omnibus eximiè prodest febribus, quatenus nimirum in *continuis*, & præcipuè *exanthematicis*, per-quàm necessariam & salutarem illam moderatam diapnoën promovet & conservat, sicque miasmatis peregrini in M. S. oberrantis successivam se- & excretionem adjuvat; in *intermittentibus* verò, præter hanc pariter utilem sudoris promotionem, etiam materiam peccantem, in primis viis aut visceribus abdominis hærentem, attenuat & ad excretionem faciliorem præparat, prout hoc de omnibus calidis in genere jam jam observavit, atque id circò ea febricitantibus in potu præcipuè exhibenda esse judicavit HIPPOCRATES, *Lib. de loc. in homine, c. 8.*

### §. XI.

Non minùs etiam proficuum deprehenditur Infusum Thee *Pbtbificis* pariter ac *Hæticis*, imprimis si cum lacte caprillo vel asinino remixtum illud fuerit, non solum ad præternaturalem calorem temperandum, sitimque extinguendam, sed & ad absterisionem, mundificationem & qualemcunque consolidationem ulceris vel abscessûs quodammodo promovendam, quippe quos effectus, ob leniorem suam virtutem tonicam, potissimum præstare valet. Proinde etiam ipsi Chineses eidem attribuunt virtutem *purificandi sanguinem*, teste RAJO *Histor. Plantar. Tom. II. Lib. XXVIII. Cap. 2. p. 1620.* quam & nos ipsi non prorsus denegamus, atque in eo potissimum consistere autumamus, quòd ejus usu frequentiori tam sanguis, quàm reliqui humores corporis nostri, à particulis heterogeneis Sino-Æeis organasticis & excrementitiis liberentur,



dum nempe infusum hocce *Oia* peregrina, acredine nimia infensa, promptissime diluit, temperat, corrigit, & per congrua emunctoria, glandulas nimirum subcutaneas, ceu per cribrum, eliminat, hâcque ratione tam scorbuticorum, quam aliorum exinde dependentium morborum curationem adjuvat.

§. XII.

Porro etiam eximie censetur virtutis hoc nostrum Infusum in *Calculo*, tam renum, quam vesicæ, & quidem ob virtutem suam non tam lithentripticam, quam blandam diureticam, quâ ipsâ mucositates pariter ac sabulosa concrementa, calculi molem aliâs adaugentia, tempestivè removel & educit, sicque ad dirissimorum abinde communiter provenientium cruciatuum præservationem ad minimum eximie conducit; quapropter etiam huic infuso unicè ferè causam tribuere videtur RAJVS l. c. quod nunquam in Japonibus vel minimum calculi, sive renum, sive vesicæ, indicium deprehenderit, licet admodum sedulò inquisiverit. Eâdem ratione eandemque ob causam illud etiam admodum proficuum esse observatur in *affectibus serosis, cachecticis & hydropicis*, dum nempe serum stagnans viscidum & copiosius collectum diluit & per vias urinarias educit, siquidem aliquando solo hocce Infuso Hydropem, à suppressione urinæ abortum, feliciter curatum fuisse ex ore ægroti refert ALISCHERVS in *Annal. Med. Phys. VVratislav. Ann. 1722. M. Februar. Class. IV. Artic. 16. p. 202.* Ast insimul probè quoque notandum est, quòd ejusmodi subjecta antea sufficienti, imò largiori se- & excretioni urinæ assivera, nec non ipsa Aqua levis atque pura esse debeat, aliâs enim effectus frustraneus, & major potius abdominis inflatio, quàm ejus detumescencia, pertimescenda erit, quæ tamen per assumtum sal quoddam volatile oleosum & moderatum corporis motum præcaveri adhuc potest. *Conf. Annal. VVratislav. l. c. M. Januar. p. 70.*

§. XIII.

Non minùs etiam potum hujus Infusi moderatum spem de eo conceptam in *Hypochondriacis* aliquoties implevisse refert Illust. SCHROECKIVS, *Schol. ad Observ. 113. Dec. II. Ann. V. A. N. C.* quoniam nimirum acidum humorem, qui in ejusmodi subjectis usplurimum peccare creditur, diluit & temperat, atque si largiori quantitate hauriatur, per vias urinarias secum eliminat, insuperque visciditatem seri incidit & attenuat, ac promptius vasa corporis permeat; unde etiam Decoctum horum foliorum, cum quo hypochondriacam quandam, pluribus aliis remediis frustra omninò in usum ductis, feliciter restituit RIEDLINVS, utique dignum judicat, ut anti-hypochondriacorum medicamentorum classi inseratur, *conf. ejusd. Lin. Med. Ann. II. M. Decembr. Lin. 28.* cui tamen refragatur Illust. HOFFMANNVS, in *Dissert. de Infusi Veronicæ efficacia præferenda herbe Thee*, ubi §. XXVII. in hypochondriacis & hysteris gravia non semel ab ejus usu producta fuisse symptomata, nimirum Cardialgias, anxietates præcordiales, dolores in abdomine, alvi fluxum, &c. refert, quæ verò magis fortitan



fitan à saturationi, aut nimis dulcificato, aut etiam copiosè nimis ingurgitato hocce Infuso, quam à legitimo ejus usu, ortum suum traxerunt.

§. XIV.

Quodd Decoctum hujus herbae optimum in *Convulsionibus* fit remedium, testatur STEGMANNVS in *A. N. C. Dec. III. Ann. I. Obs. 16.* ubi solo ejus usu, cum regimine quodam convenienti Dietæ, viduam quandam à Convulsione universalì, quam *ἐμπροσθένος* dicimus, se feliciter liberasse refert, quemadmodum etiam *Obs. 18.* multos infantes, qui, post morbillos & Variolas, Convulsionibus passi sunt, quas nullis alijs medicamentis curare potuit, eodem Decocto restitutos fuisse asserit, quoniam illud optimè acidum serosum & statuosum, quod in Convulsionibus peccare autumat, possit exsiccare, dissipare & per sudorem urinamque propellere; imò denique *Obs. 17.* puerum 7. annorum adducit, qui à singulari quodam morbo, *Eclasi non absimili*, pariter solo hoc Decocto liberatus fuit. Non minus etiam *difficultatem auditus*, à flatibus crassioribus & impuris, aërem auris inquinantibus, obortam, & per plures annos jamjam toleratam, mediante hoc Infuso penitus ablatam fuisse refert Celeb. APINVS in *A. N. C. Dec. III. Ann. III. Obs. 70.* Proinde quoque de singulari quâdam horum foliorum specie, quæ *Thee Poual* vocatur, in *Annal. Phys. Med. VVrasisl. Ao. 1722. Mens. Januar. p. 101.* relatum habemus, quod contra Apoplexiam, Diarrheas omnisque generis dolores intestinorum, ut præstantissimum remedium à Chinesibus celebretur, inprimis si ultra decem annos eadem jam asservata fuerit. Est autem hæc procul dubio illa species, quam *Thee Buh* vocant, (*vid. §. V. & VII. Sect. I.*) quamque inprimis in pretiosis illis & antiquitatis famâ maximè insignibus vasis myrrhinis, seu porcellanis, *Maats uho* ab ipsis dictis, asservant, atque ita virtutem ejus magis exaltari autumant, ut, quò diutius in iis delituerit, eò carior & nobilior quoque sit habenda.

§. XV.

Quid in Podagra aliisque *affectionibus arthriticis & spasticis*, præservativè pariter ac curativè præstare valeat hoc medicamentum liquidum, ex virtute ejus, sanguinem purificandi (§. XI.) & communi experientia suffragio, facile concludere licet. Observavit enim supra laudatus KEMPFERVS, quod in Japonibus, Cerevisiæ vernacula, ex Oryzâ paratâ, amatoribus, Arthritis vaga admodum frequenter; in Thee-bibulis autem nulla Podagra observetur. Sic etiam SCHELHAMMERVS in *additam ad Conring. Introduct. in ar. med. cap. X. p. 362.* refert, quod Bontekoe Magno FRIDERICO YVILHELMO, Electori Brandenburg. gravissimos podagricos dolores solo Thee potu levaverit. Quod porro idem ille potus in Soda, molesto illo ventriculi ardore, si præcipuè à biliosâ saburrâ in primis viis hærente, oritur, perquam utilis existat, per se jam liquet. Ad mitigandos *capitis dolores*, inprimis autem graviore illos sub *Cephalæa* occurrentes, multum pariter contribuit, siquidem hanc ultimam, postquam per integrum annum miserè eadem laboravit, tandem potu copiosiori Thee penitus se prostrigasse faretur MUTS in *Podalirio p. 59.* Contra *visus imbecillitatem* Infusum hoc eximie commendat RAJVS *l. c.* illudque Japonensibus primum esse



esse antidotum contra ejusmodi oculorum vitia ipsis frequentissima, ac ex assiduo Oryzæ calidæ & sui Sacqui potu & usu maxime contracta, existimat.

## §. XVI.

Tandem coronidis loco paucis adhuc investigandum erit, *an etiam ad conciliandam obesitatem quicquam contribuat hic potus?* Negat equidem hoc, cum aliis quibusdam, Celeb. GOHLIVS in *Actis Med. Berol. Dec. I. Volum. II. p. 128.* & potius autumat, quòd *saturatius* horum foliorum *infusum*, frequentius in usum tractum, corpora tenera & ob temperamentum cholicum macilentia, magis emaciet, & ad Atrophiam cum Hecticâ disponat, quod & nos hoc respectu non planè inficiamur. E contra autem ritè paratum & convenienter assumptum sine ullâ ratione emaciandi virtutis accusari, quin potius gracilibus innumeris saluberrimum fuisse, imò nonnunquam, ut pinguescerent, multum juvasse, & quidem non tam materiam pinguedini suggerendo, quàm humores ad alendum antea ineptos corrigendo, fusiùs demonstravit CAROL. FRID. LV-THER, *Prof. Kiloniens.* in *Dissert. quâ disquiritur: An Potus Thee exsiccandi & emaciandi virtute polleat?* Ob *der Thee sebre?* Confirmat etiam id ipsum exemplum à RIEDLINO in *Lin. Med. Ann. IV. M. Jul. Lin. 17.* adductum, de viro quadragenario majore, qui perquam gracilis & à patre phthisico genitus, ab uberiori Decocti hujus legitimo potu multò habiliorem ac pinguiorem acquisivit habitum.

## §. XVII.

Priusquam verò tractationi huic finem imponimus, seriò utique monendi erunt omnes fravioris hujus potulenti fautores & amatores, ne forsitan ob hæcætenus enumeratas eximias ejus virtutes ad promiscuum & abusivum ejus usum seducere se patiantur: Multa enim, eaque non exigua, valetudinis damna certissimè expectanda sunt, si nullo habito respectu aut discrimine temperamentorum, sexûs, ætatis, aëris, aquæ, vitæ generis, quantitatis atque prævæ quotidiani usûs consuetudinis, potulentum hocce suaderetur & ingurgitatur, sicuti hæc omnia jam doctissimè demonstravit Celeb. DETHARDINGIVS in *Diff. de viribus impostoribus, I. Potu Theæ & Caffæe, II. commoda vita & III. Officinis domesticis, Membr. I. Artic. 2.* Minimè igitur, cum doctissimo PECHLINO in *Theophilo Bibaculo*, seu *studito Dialogo de Potu Thee p. 56.* judico, quemvis temerè & promiscuè, ut libido impellit, ad sacra hæc admittendum, aut ad minimum istâ circumspectione his utendum esse, ut, *quemadmodum in aquarum theriacalium aliarumque, ita in Thee quoque usu delectus habeatur temperamentorum, & cum nemo sibi hoc facillè consulere possit, Medici compellantur, ejus rei periti, qui modum, tempus copiamque cum ratione designant.*

T A N T V M.

S. D. G.